



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

**«Ազգային ժողովի կանոնակարգ» Հայաստանի Հանրապետության օրենքում լրացում կատարելու մասին**

**Հոդված 1.** «Ազգային ժողովի կանոնակարգ» Հայաստանի Հանրապետության 2002 թվականի փետրվարի 20-ի ՀՕ-308 օրենքի (այսուհետ՝ Օրենք) 105-րդ հոդվածի 2-րդ մաս «հարցով» բառից լրացնել «, բացառությամբ սույն հոդվածի 9-րդ մասով նախատեսված դեպքից:» բառերով:

**Հոդված 2.** Օրենքի 105-րդ հոդվածը լրացնել հետևյալ բովանդակությամբ նոր 9-րդ մասով.

«9. Եթե վարչապետը կամ Կառավարության անդամը առաջարկում է պատգամավորի կողմից հնչեցված բանավոր հարցին գրավոր պատասխանել, ապա պահպանվում է պատգամավորի՝ սույն հոդվածի 2-րդ մասով սահմանված մեկ բանավոր հարցով դիմելու իրավունքը:»:

**Հոդված 3.** Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրվանից:

## ՀԻՄՆԱՎՈՐՈՒՄ

**«Ազգային ժողովի կանոնակարգ» Հայաստանի Հանրապետության օրենքում լրացումներ կատարելու մասին» ՀՀ օրենքի ընդունման անհրաժեշտության մասին**

Նախագծի ընդունման անհրաժեշտությունը պայմանավորված է ԱԺ պատգամավորի կողմից կառավարությանը բանավոր հարցով դիմելու դեպքում Կառավարության առաջարկով այդ հարցին գրավոր պատասխանելու եւ Օրենքի 105 հոդվածով սահմանված մեկ բանավոր հարցով Կառավարությանը դիմելու իրավունքի պահպանման կարգի հստակեցմամբ: